

ՄԱՆԿԱԿԱՆ ԱՎԱՆՂԻ ՊԱՅՄԱՆԱԳԻՐ №

Ք. «.....» 20 Ք.

<<ՀԱՅԷԿՈՆՈՄԲԱՆԿ>> ԲԲԸ-ն, հետագայում՝ **Բանկ**, մի կողմից և (ՖԱ անվանում) հետագայում՝
Ներդրող, մյուս կողմից, կնքեցին սույն պայմանագիրը (այսուհետ՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Սույն պայմանագրով Ներդրողը Բանկում ներդրում է ավանդ՝

.....գումարի չափով (այսուհետ՝ Ավանդ)

(գումարը թվերով, տառերով, արժույթի տեսակը)

հոգուտ երրորդ անձի՝

(անուն, ազգանուն, հայրանուն, քն. հասցեն, ծննդյան թիվը, ծննդյան վկայականի տվյալները, առկայության դեպքում նաև անձնագրի տվյալները)

այսուհետ՝ Ավանդատու, վերջինիս 18 /տասնութ/ տարին լրանալու հաջորդ օրը Ավանդատուին վերադարձնելու պայմանով: Մինչև այդ ժամկետի
լրանալը սույն պայմանագրով սահմանված Ավանդատուի իրավունքներից օգտվում է Ներդրողը:

1.2. Ավանդի դիմաց Բանկը վճարում է տոկոսագումարներ սույն պայմանագրի 2-րդ մասով սահմանված չափով, կարգով և ժամկետներում:

1.3. Ավանդի մուտքը, վերադարձը և տոկոսների վճարումը կատարվում է Ավանդատուի կողմից անձը հաստատող փաստաթուղթը ներկայացնելու
դեպքում: Բանկում գումարի մուտքը հավաստվում է Բանկի մուտքի փաստաթղթով, իսկ ելքը՝ գումարի ելքագրման մասին Ավանդատուի կողմից
ստորագրված փաստաթղթով /ելքի օրդեր կամ այլ փաստաթուղթ/:

1.4. Ավանդատուն սույն պայմանագրի ստորագրումով հաստատում է, որ մինչև սույն պայմանագրի կնքելը Բանկը Ավանդատուին տրամադրել է
ավանդի տեղեկատվական ամփոփագիր /այսուհետ՝ տեղեկատվական ամփոփագիր/:

1.5. Ավանդատուն համաձայն է, որ Բանկը «Բանկային ավանդների ներգրավման մասին» ՀՀ օրենքով սահմանված Ավանդատուին պարտադիր
ներկայացման տեղեկատվությունը /այսուհետ՝ պարտադիր տեղեկատվություն/ տրամադրի իրեն հետևյալ լեզվով և եղանակով՝

հայերեն <input type="checkbox"/>	ռուսերեն <input type="checkbox"/>	անգլերեն <input type="checkbox"/>
Բանկի տարածքում <input type="checkbox"/> (հասցեն)	Փոստով <input type="checkbox"/> (հասցեն)
Էլեկտրոնային փոստով <input type="checkbox"/> (հասցեն)	Այլ՝ <input type="checkbox"/> (նշել կապի միջոցը)

(Ավանդատուի ստորագրությունը)

Ծանոթություն՝ Ավանդատուն պետք է ընտրի հաղորդակցման նախընտրած լեզուն և եղանակներից որևէ մեկը նշանով, լրացնի հասցեն, չընտրած մյուս բոլոր
լեզուները և եղանակները նշի **Z** տառով և ստորագրի, ինչը նշանակում է, որ Ավանդատուն հրաժարվել է մյուս եղանակներով հաղորդակցվելու իրավունքից:

1.6. Սույն պայմանագրի 1.5 կետում Ավանդատուի նշած հաղորդակցման եղանակը կարող է Ավանդատուի կողմից փոփոխվել Բանկին գրավոր
դիմում ներկայացնելով:

2. ԱՎԱՆՂԻ ՏՈՒՆԱԳՈՒՄԱՐԻ ՀԱՇՎԱՐԿԸ ԵՎ ՎՃԱՐՄԱՆ ԿԱՐԳԸ

2.1. Ավանդի մնացորդի վրա հաշվարկվում է տոկոսագումար՝ տարեկան (.....)% տոկոսադրույքի չափով, փաստացի
օրերի դիմաց տարին ընդունելով 365 օր, նահանջ տարին՝ 366 օր:

2.2. Ավանդի տարեկան տոկոսային եկամտաբերությունը կազմում է՝ (.....)%:

2.3. Ավանդի տոկոսագումարը հաշվարկվում է Ավանդը Բանկ մուտք լինելու օրվանից մինչև այն Ավանդատուին վերադարձնելու նախորդ օրը:

2.4. Ավանդի մնացորդի դիմաց հաշվարկված տոկոսագումարը ավանդատուի ցանկությամբ վճարվում են ՀՀ դրամով/ Ավանդի արժույթով
յուրաքանչյուր տարի երկու անգամ, հունվար և հուլիս ամիսների 10-րդ օրը՝ ավելացվելով Ավանդի գումարին, որի վրա օրվանից շարունակվում է
հաշվեգրվել 2.1 կետով սահմանված տոկոսագումարը:

2.5. Ավանդը կամ դրա մի մասը մինչև սույն պայմանագրի 2.4 կետով նշված ժամկետի լրանալը պահանջելու դեպքում՝ սույն պայմանագրի 2.1
կետով սահմանված տոկոսագումարի փոխարեն Ավանդի կամ այդ մասի դիմաց հաշվարկվում և վճարվում է տոկոսագումար՝ Բանկում ցպահանջ
ավանդի համար տվյալ պահին սահմանված տոկոսադրույքի չափով: Ցպահանջ ավանդի համար Բանկը հաշվարկում և վճարում է
տոկոսագումար՝ տարեկան 0% չափով, եթե տոկոսադրույքի այլ չափ չի սահմանվում Բանկի Սակագներով:

2.6. Սույն պայմանագրի 1.1 կետում նշված ժամկետը լրանալուց հետո Ավանդը չպահանջելու դեպքում, սույն պայմանագիրը համարվում է
երկարաձգված ցպահանջ ավանդների համար Բանկում սահմանված պայմաններով:

2.7. Սույն պայմանագրի 2.5 կետով սահմանված ցպահանջ ավանդի տոկոսադրույքի չափը նվազեցնելու դեպքում Բանկը կիրառում է այն
Ավանդատուին այդ մասին տեղեկացնելուց տասնհինգ օր հետո:

2.8. Սույն պայմանագրի 1.1 կետում նշված ժամկետի լրանալուն նախորդող մինչև 60-րդ օրը Ավանդատուն կարող է սույն պայմանագրով
ներդրված Ավանդին ավելացնել լրացուցիչ դրամական գումար, որի դիմաց հաշվարկվում է սույն պայմանագրի 2.1 կետով սահմանված
տոկոսագումարը: Հիշյալ ժամկետից հետո սույն Ավանդին գումարներ չեն ավելացվում:

2.9. Սույն պայմանագրի 2.1 կետով սահմանված տոկոսադրույքը փոփոխման ենթակա չէ սույն պայմանագրի 1.1 կետում նշված Ավանդի
վերադարձման ժամկետում:

2.11. Ավանդի դիմաց Ավանդատուին վճարվող տոկոսագումարը հարկվում է ՀՀ օրենսդրությամբ սահմանված չափով:

3. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ

3.1. Բանկը պարտավորվում է՝

3.1.1. Ընդունել Ավանդը և վերադարձնել այն, վճարել տոկոսագումար սույն պայմանագրով սահմանված կարգով, չափով և ժամկետներում:

3.1.2. Պահպանել Ավանդի գաղտնիությունը՝ օրենքով սահմանված կարգով:

- 3.1.3. Ավանդատուի հետ հաղորդակցվել, այդ թվում՝ «Բանկային ավանդների ներգրավման մասին» ՀՀ օրենքով սահմանված Ավանդատուին պարտադիր ներկայացման տեղեկատվությունը տրամադրել Ավանդատուին նրա ցանկությամբ՝ սույն պայմանագրի 1.5 կետով սահմանված եղանակով:
- 3.1.4. Առնվազն երեսօրյա պարբերականությամբ սույն պայմանագրի 1.5 կետով սահմանված եղանակով Ավանդատուին տրամադրել Ավանդատուի հաշվի քաղվածքը, բացառությամբ եթե այդ ժամանակահատվածում տվյալ հաշվով չի կատարվել դեբետագրում կամ կրեդիտագրում:
- 3.1.5. Բացառությամբ 3.1.4 կետով սահմանված հաճախականության, Ավանդատուի կողմից պահանջ ներկայացնելու դեպքում 5-օրյա ժամկետում տրամադրել հաշվի քաղվածք Բանկի հայտարարած Սակագներով:

3.2. Բանկը իրավունք ունի՝

- 3.2.1. Ավանդի ընդունման և սպասարկման համար գանձել Ավանդատուից վճարներ Բանկի հայտարարած Սակագներով և տեղեկատվական ամփոփագրով սահմանված չափով:
- 3.2.2. Ավանդի մուտքը, վերադարձը և տոկոսագումարի վճարումը կատարել միայն Ավանդատուի կողմից անձը հաստատող փաստաթուղթը ներկայացնելու դեպքում:
- 3.2.3. Այլ անձանց լիազորությունները չընդունել, եթե դրանք ձևակերպված չեն սույն պայմանագրի 3.3.3 կետին համապատասխան:

3.3 Ավանդատուն պարտավորվում է՝

- 3.3.1. Ավանդը և տոկոսագումարը ստանալու համար ներկայացնել անձը հաստատող փաստաթուղթը:
- 3.3.2. Ավանդի ընդունման և սպասարկման համար վճարել Բանկին Բանկի հայտարարած Սակագներով և տեղեկատվական ամփոփագրով սահմանված չափով գումար:
- 3.3.3. Այլ անձանց լիազորությունները հավաստել նոտարական կարգով տրված լիազորագրով կամ անձամբ Բանկում տրված գրավոր լիազորագրով, որը պետք է ձևակերպվի հստակ և հնարավոր լինի նույնացնել նման պահանջ ներկայացնող անձի հետ:

3.4. Ավանդատուն իրավունք ունի՝

- 3.4.1. Պահանջել Բանկից Ավանդի վերադարձ և հաշվեգրված տոկոսագումարի վճարում՝ սույն պայմանագրով սահմանված կարգով, չափով և ժամկետներում:
- 3.4.2. Ավանդին ավելացնել լրացուցիչ դրամական գումարներ սույն պայմանագրի 2.8 կետով սահմանված ժամկետներում և պայմաններով:

4. ԿՈՂՄԵՐԻ ՊԱՏԱՄԽԱՆԱՏՎՈՒԹՅՈՒՆԸ

- 4.1. Բանկի կողմից Ավանդը վերադարձնելու կամ տոկոսագումարը վճարելու պարտավորությունը չկատարելու կամ ուշացնելու դեպքում՝ յուրաքանչյուր ուշացած օրվա համար Բանկը վճարում է տույժ չվճարված /չվերադարձված/ գումարի 0.02 % չափով:
- 4.2. Բանկը երաշխավորում է Ավանդի վերադարձը իր ակտիվներով:

5. ԱՅԼ ՊԱՅՄԱՆՆԵՐ

- 5.1. Ավանդի ընդունման և սպասարկման, դրանց համար վճարների չափն ու կատարման կարգը սահմանվում է Ավանդի տեղեկատվական ամփոփագրով և Բանկի Սակագներով: Սակագները հանդիսանում են սույն պայմանագրի անբաժանելի մասը, հրապարակվում են Բանկի ինտերնետային կայքէջում (www.aeb.am) և Բանկի գտնվելու վայրում: Ավանդատուի պահանջով Բանկը Սակագները տրամադրում է անվճար: Սակագներում Բանկը միակողմանի կարող է կատարել փոփոխություններ, որոնք ուժի մեջ են մտնում Բանկի կայքէջում և Բանկի /մասնաճյուղերի/ գտնվելու վայրում հրապարակվելուց 15 օր անց, եթե սույն պայմանագրի 1.5 կետում կամ իր դիմումում Ավանդատուն որպես տեղեկացման եղանակ նշել է Բանկի տարածքում, իսկ այլ եղանակ նշելու դեպքում՝ այդ եղանակով փոփոխությունների մասին Բանկի տեղեկացնելուց 15 օր անց: Ավանդատուն հաստատում է, որ ծանուցվել է Բանկում ներդրված ավանդների հատուցման երաշխավորման պայմանների և կարգի մասին:
- 5.2. Պայմանագիրը ուժի մեջ է մտնում Ավանդը ներդնելու պահից:
- 5.3. Պայմանագիրը Բանկի կողմից պետք է լինի ստորագրված առնվազն երեք աշխատակցի կողմից և կնքվի Բանկի կյոր կնիքով:
- 5.4. Պայմանագրի օրինակը կորցնելու դեպքում Ավանդատուի դիմումով տրվում է պայմանագրի պատճեն:
- 5.5. Սույն պայմանագրի ցանկացած փոփոխություն կատարվում է Կողմերի փոխադարձ գրավոր համաձայնությամբ:
- 5.6. Ավանդատուն իր իրավունքների պաշտպանությունը կարող է իրականացնել օրենքով սահմանված կարգով՝ ֆինանսական համակարգի հաշտարարին կամ դատարան դիմելու միջոցով:
- 5.7. Պայմանագիրը կնքվել է երկու օրինակից, որից մեկական օրինակ տրամադրվել է յուրաքանչյուր կողմին:

6. ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

ԲԱՆԿ	ՆԵՐԳՐՈՂ
<<<ԱՅԷԿՈՆՈՄԲԱՆԿ>> ԲԲԸ
հասցեն	ԱԱՀ
Ներկայացուցիչ
Լիազորագիր	հասցե
.....
ստորագրություն	անձը հաստատող փաստ. տվյալներ
.....
ստորագրություն
.....
ստորագրություն	ստորագրություն